



INSURANCE AGENCY OF
BOSNIA AND HERZEGOVINA

Broj:
Sarajevo,

Prednacrt

Na osnovu člana 23. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16) i člana 7. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za osiguranje u Bosni i Hercegovini, d o n o s i

**PROGRAM RADA
AGENCIJE ZA OSIGURANJE U BOSNI I HERCEGOVINI
ZA 2018. GODINU**

I - UVOD

Agencija za osiguranje u Bosni i Hercegovini (u daljem tekstu: AZO BiH) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik BiH“, br. 12/04) koja za svoj rad odgovara Vijeću ministara Bosne i Hercegovine. Na osnovu Srednjoročnog plana rada Agencije za osiguranje u Bosni i Hercegovini za period 2018.-2020. godina, AZO BiH je pripremila Godišnji program rada za 2018. godinu. Godišnji program rada za 2018. godinu predstavlja izvod iz Srednjoročnog plana rada Agencije za osiguranje u Bosni i Hercegovini za period 2018.-2020. godina i tretira ključne prioritete i očekivane rezultate koje AZO BiH planira ostvariti tokom 2018. godine. Srednjoročni cilj AZO BiH definisan u okviru Srednjoročnog programa rada Vijeća ministara Bosne i Hercegovine za period 2018.-2020. je: „Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije“. Sa ciljem ostvarenja srednjoročnog cilja AZO BiH definisan je jedan specifični cilj, „Povećati usklađenost propisa na tržištu osiguranja u Bosni i Hercegovini“, a koji se planira realizovati kroz jedan program: „Usklađivanje propisa na tržištu osiguranja u Bosni i Hercegovini“.

Program se planira realizovati kroz dva projekta:

- Harmonizacija propisa i arbitraža
- Statistički servis i međunarodna saradnja

Ključni prioritete u okviru specifičnog cilja: „Povećati usklađenost propisa na tržištu osiguranja u BiH“ se planiraju postići kroz:

- analize usklađenosti važećih entitetskih zakonskih i drugih akata iz oblasti osiguranja u Bosni i Hercegovini međusobno i sa zakonodavstvom Evropske unije.

- izradu prijedloga izmjena i dopuna zakona i drugih akata iz oblasti osiguranja u Bosni i Hercegovini i

Planirane aktivnosti u toku 2018.godine proizilaze iz Zakona o Agenciji za osiguranje u Bosni i Hercegovini i izvještaja Evropske komisije za Bosnu i Hercegovinu, kao i preporuka i operativnih zaključaka sa Drugog sastanka Pododbora za unutrašnje tržište i konkurenciju, uključujući zaštitu zdravlja i potrošača, koji je održan u Mostaru 19.09.2017. godine.

Kako bi se unaprijedila zakonska rješenja postojećeg Zakona o Agenciji za osiguranje u Bosni i Hercegovini planirana je izrada prijedloga novog Zakona o Agenciji za osiguranje u Bosni i Hercegovini. Navedenim prijedlogom Zakona bi se propisale izvršne ovlasti AZOBiH, jasno i precizno definisala uloga AZOBiH u oblasti osiguranja, odnos AZOBiH prema drugim organima uprave i subjektima u oblasti osiguranja, obaveze drugih organa uprave i subjekata u oblasti osiguranja, nadležnosti i ovlaštenja organa AZOBiH. Ovim prijedlogom Zakona bi se izvršilo i usklađivanje sa relevantnim zakonodavstvom Evropske unije na bazi prijedloga datih u okviru Twinning projecta BA 07-IB-FI-01 i usklađivanje sa relevantnim zakonodavstvom Bosne i Hercegovine.

Planirano je da se Prijedlog Pravilnika o rješavanju sporova u oblasti osiguranja, iz člana 7. Zakona o Agenciji za osiguranje u Bosni i Hercegovini, uputi Vijeću ministara Bosne i Hercegovine na usvajanje.

U cilju usklađivanja sa relevantnim zakonodavstvom u Bosni i Hercegovini, preciziranja opisa poslova radnih mjesta u AZOBiH i izvršavanja aktivnosti iz nadležnosti AZOBiH planirana je izrada Prijedloga Pravilnika o unutrašnjoj organizaciji Agencije za osiguranje u Bosni i Hercegovini.

Na bazi Smjernice za ocjenu usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske i Analize usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske, sa preporukama za dalja usaglašavanja, usvojenim od strane Upravnog odbora Agencije za osiguranje u Bosni i Hercegovini planirana je izrada Prijedloga Zakona o obaveznim osiguranjima u saobraćaju u Federaciji Bosne i Hercegovine i Prijedloga izmjena i dopuna Zakona o obaveznim osiguranjima u saobraćaju u Republici Srpskoj.

Na bazi analize usklađenosti entitetskog zakonodavstva kojim se uređuje osnivanje, poslovanje i nadzor nad društvima za osiguranje i reosiguranje međusobno, kao i sa zakonodavstvom Evropske unije planirana je izrada Prijedloga izmjena i dopuna Zakona o osiguranju u Federaciji Bosne i Hercegovine i Prijedlog Zakona o osiguranju u Republici Srpskoj.

Na bazi analize međusobne usklađenosti drugih akata iz oblasti osiguranja u Bosni i Hercegovini planirana je izrada prijedloga za usklađivanje istih.

U toku 2018. godine planira se održavanje radno konsultativnih sastanaka, u cilju efikasne saradnje i koordinacije, sa relevantnim institucijama iz oblasti osiguranja.

Rizici prisutni kod navedenih planiranih aktivnosti su izostanak koordinacije i saradnje u vršenju zakonodavnih aktivnosti entiteta i zakonodavne uloge AZOBiH, te neblagovremeno

informisanje AZOBiH ili izostanak informacije od strane entiteta o planiranim ili provedenim zakonodavnim aktivnostima

Kao jedan od rizika koji je prisutan jeste da akti Upravnog odbora Agencije za osiguranje u Bosni i Hercegovini ostaju djelimično ili u cjelosti neprovedeni zbog nedostatka izvršnih ovlasti AZOBiH. Navedeni rizik je prepoznat i u izvještajima Evropske komisije u prethodnim periodima.

Jedan od rizika koji je prisutan u vezi sa predstojećim aktivnostima na realizaciji obaveza iz Sporazuma o stabilizaciji i pridruživanju jeste mogućnost kašnjenja u izvršavanju istih zbog nedostatka kadrovskih kapaciteta, u smislu specifičnih radnih mjesta i broja izvršilaca u AZOBiH.

U okviru realizacije mjera iz Akcionog plana za realizaciju prioriteta iz Izvještaja za Bosnu i Hercegovinu za 2016. godinu Evropske komisije, postoji rizik da neke od planiranih mjera ne budu realizovane zbog nepostojanja saglasnosti entitetskih agencija za osiguranje.

Prioriteti u okviru Projekta *Statistički servis i međunarodna saradnja* su aktivnosti na realiziranju zaključivanja Ugovora o saradnji za razmjenu podataka sa nadležnim organima drugih zemalja u saradnji sa entitetskim agencijama za nadzor osiguranja.

Učešće osiguravajućih društava sa većinskim stranim kapitalom u ukupnoj premiji osiguravajućih društava u Bosni i Hercegovini iznosi preko 50%. Aktivnosti regulatornih organa u zajedničkom nadzoru osiguravajućih kompanija u različitim zemljama osnov je za prevenciju mogućih negativnih posljedica na finansijski sektor u svakoj zemlji.

U skladu sa Zakonom o Agenciji za osiguranje u Bosni i Hercegovini, AZOBiH zaključuje Ugovore o saradnji za razmjenu podataka sa nadležnim organima drugih zemalja, uz saradnju sa entitetskim agencijama za nadzor osiguranja.

Aktivnosti oko zaključivanja Memoranduma o uzajamnoj saradnji i razmjeni informacija sa regulatornim organima Austrije, Slovenije, Hrvatske i Srbije odvijale su se i u prethodnim godinama. Proces usaglašavanja tekstova Memoranduma između entitetskih agencija za nadzor osiguranja i AZOBiH odvijao se u prethodnom periodu, ali još uvijek na žalost isti nisu zaključeni što je veliki nedostatak naše zemlje u dijelu razmjene informacija i podataka u aktivnostima zajedničkog nadzora osiguravajućih društava.

Nakon usaglašavanja tekstova Memoranduma o saradnji i razmjeni informacija sa regulatornim organima Austrije, Slovenije, Hrvatske i Srbije, entitetskim agencijama za nadzor osiguranja u Bosni i Hercegovini, Agencija za osiguranje u Bosni i Hercegovini će pokrenuti postupak u skladu sa Odlukom Predsjedništva Bosne i Hercegovine o postupanju ministarstava, upravnih organizacija i drugih institucija Bosne i Hercegovine prilikom preduzimanja aktivnosti i pokretanja postupka u području međunarodnih odnosa koji imaju za cilj ostvarivanje međunarodne saradnje iz njihovog djelokruga rada („Službeni glasnik BiH“, br. 57/14).

Prioritet je da se aktivnosti oko zaključivanja Memoranduma završe što je moguće prije kako bi se aktivnosti koje proizilaze iz Memoranduma mogle odvijati kontinuirano.

Rizik u realizaciji ovih aktivnosti jeste vremenski period potreban za usaglašavanje tekstova između nadležnih institucija u Bosni i Hercegovini i nadzornih organa zemalja sa kojima je planirano zaključivanje Memoranduma.

U dijelu međunarodne saradnje u toku 2018. godine planiraju se i aktivnosti učešća na međunarodnim konferencijama, forumima i sastancima. Učestvovanjem na konferencijama, forumima i sastancima zajedno sa predstavnicima entitetskih agencija za nadzor osiguranja razmjenjuju se iskustva i dobre prakse iz djelatnosti osiguranja i koriste dobri primjeri u procesu donošenja zakonskih i podzakonskih akata iz djelatnosti osiguranja u Bosni i Hercegovini.

Prioriteti u dijelu statističkog servisa su prije svega unaprijeđenje prikupljanja podataka i poboljšanje objavljivanja statističkih podataka za sektor osiguranja. Statističke podatke o sektoru osiguranja AZOBiH prikuplja od entitetskih agencija za nadzor osiguranja. Na osnovu zahtjeva koji se dostavi entitetskim agencijama sa specificiranjem podataka koji se traže, isti se AZOBiH dostavljaju u elektronskoj i printanoj formi.

Nakon obrade i kreiranja izvještaja podaci se objavljuju na web stranici AZOBiH (na mjesečnom, kvartalnom i godišnjem nivou), a skraćeni izvještaji objavljuju se u službenim glasilima Bosne i Hercegovine, Federacije Bosne i Hercegovine, Republike Srpske i Brčko distrikta Bosne i Hercegovine. AZOBiH izdaje godišnji izvještaj sa svim relevantnim podacima i pokazateljima na zvaničnim jezicima u Bosni i Hercegovini kao i na engleskom jeziku.

Obzirom da se prikupljeni podaci obrađuju ručno, jer AZOBiH ne raspolaže sa softverom za prikupljanje i evidentiranje statističkih podataka, prioritet je da se ovaj postupak unaprijedi. Rizik koji je prisutan u okviru ovih aktivnosti je velika mogućnost greške zbog ručne obrade podataka kao i duži period kreiranja i objavljivanja izvještaja.

Također, ne postoji zakonska obaveza kojom se preciziraju rokovi i sadržaj statističkih izvještaja koji se dostavljaju AZOBiH, tako da je prisutan rizik neblagovremenog dostavljanja statističkih podataka koje AZOBiH obrađuje i objavljuje.

Jedan od rizika za izradu idejnog rješenja i softvera kojim bi se unaprijedilo prikupljanje i obrada statističkih podataka je i nedostatak potrebnih sredstava u budžetu AZOBiH.

U okviru budžeta za 2017. godinu odobrena su određena sredstva za finansiranje softverskog rješenja pa će aktivnosti u okviru ovog projekta biti usmjerene na nabavci i aktiviranju elektronske obrade statističkih podataka.

AZOBiH teži da statistiku osiguranja u Bosni i Hercegovini unaprijedi u skladu sa potrebama korisnika i standardima kako bi podaci koji se obrađuju bili uporedivi sa podacima drugih

zemalja i od koristi institucijama i pojedincima koje isti koriste u različitim analizama neophodnim za sektor osiguranja.

U izvršavanju postavljenog cilja, programa, projekata i aktivnosti neophodne su operativne, logističke i administrativne aktivnosti koje su date u pregledu operativnih, administrativnih i logističkih aktivnosti AZOBiH.

II – AKCIONI PLAN GODIŠNJEG PROGRAMA RADA AGENCIJE ZA OSIGURANJE U BOSNI I HERCEGOVINI

Opći cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Povećati usklađenost propisa na tržištu osiguranja u Bosni i Hercegovini

Programi, projekti i aktivnosti	Nosilac aktivnosti (organizaciona jedinica)	Pokazatelji				Troškovi	Izvori finansiranja						Planirani kvartal za provođenje
		Pokazatelji rezultata ili uticaja	Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)		Procijenjeni troškovi	Budžet	Krediti	Donacije	Ostali izvori	Ukupno	
1	2	3	4	5	6	7	8	9	10	11	12	13	14
1.1. Usklađivanje propisa na tržištu osiguranja u Bosni i Hercegovini													
1.1.1. Harmonizacija propisa i arbitraža													
1.1.1.1 Analize usklađenosti važećih entitetskih zakonskih i drugih akata iz oblasti osiguranja u Bosni i Hercegovini međusobno i sa zakonodavstvom EU	Odjeljenje za pravne i administrativno-tehničke poslove	Sačinjene uporedne tabele o usklađenosti	Broj	1	4	24.800	24.800	.	.	.	24.800	0411270	I - IV
1.1.1.2. Izrada Prijedloga Zakona o Agenciji za osiguranje u Bosni i Hercegovini	Odjeljenje za pravne i administrativno-tehničke poslove	Sačinjen Prijedlog Zakona	Broj	0	1	24.800	24.800	.	.	.	24.800	0411270	I - II

1.1.1.3. Izrada Prijedloga Pravilnika o postupcima za rješavanje sporova u oblasti osiguranja	Odjeljenje za pravne i administrativno-tehničke poslove	Sačinjen Prijedlog Pravilnika	Broj	0	1	24.800	24.800	.	.	.	24.800	0411270	I
1.1.1.4. Izrada Prijedloga Pravilnika o unutrašnjoj organizaciji AZOBIH	Oba Odjeljenja AZOBIH	Sačinjen Prijedlog Pravilnika	Broj	0	1	24.800	24.800	.	.	.	24.800	0411270	I
1.1.1.5. Izrada Prijedloga Zakona o obaveznim osiguranjima u saobraćaju u Federaciji Bosne i Hercegovine i Prijedloga izmjena i dopuna Zakona o obaveznim osiguranjima u saobraćaju u Republici Srpskoj	Odjeljenje za pravne i administrativno-tehničke poslove	Sačinjen Prijedlog	Broj	0	2	24.800	24.800	.	.	.	24.800	0411270	I
1.1.1.6. Izrada Prijedloga izmjena i dopuna Zakona o osiguranju Federaciji Bosne i Hercegovine i Prijedloga Zakona o osiguranju u Republici Srpskoj	Odjeljenje za pravne i administrativno-tehničke poslove	Sačinjen Prijedlog	Broj	0	2	24.800	24.800	.	.	.	24.800	0411270	I - II
1.1.1.7. Izrada prijedloga za usklađivanje drugih akata iz oblasti osiguranja	Odjeljenje za pravne i administrativno-tehničke poslove	Omjer broja sačinjenih prijedloga u odnosu na broj potrebnih	%	0	80%	24.800	24.800	.	.	.	24.800	0411270	I - IV

1.1.1.8. Saglasnost na nacрте/prijedloge zakona i izmjene i dopune zakonodavstva o osiguranju	AZOBiH i Upravni odbor AZOBiH	Omjer broja pripremljenih materijala za UO u odnosu na broj dostavljenih zahtjeva	%	0	100%	24.800	24.800	-	-	-	24.800	0411270	I-IV
		Omjer broja odluka u odnosu na broj pripremljenih materijala AZOBiH	%	0	100%								
1.1.1.9. Održavanje radno-konsultativnih sastanaka sa relevantnim institucijama AZOBiH	AZOBiH	Omjer broja održanih sastanaka u odnosu na broj potrebnih	%	100%	100%	24.800	24.800	-	-	-	24.800	0411270	I-IV
1.1.1.10. Aktivnosti u vezi sa obavezama proisteklim iz aplikacije BiH za članstvo u Evropskoj uniji	AZOBiH	Omjer broja realiziranih aktivnosti u odnosu na broj potrebnih	%	100%	100%	24.800	24.800	-	-	-	24.800	0411270	I-IV
1.1.2. Statistički servis i međunarodna saradnja													
1.1.2.1. Zaključivanje Ugovora o saradnji za razmjenu podataka	Odjeljenje za međunarodnu saradnju, finansije, statistiku i aktuarstvo	Potpisani Ugovori	Broj	4	4	49.600	49.600	-	-	-	49.600	0411270	II

1.1.2.2. Učešće na sastancima međunarodnih asocijacija, konferencijama i skupovima	Odjeljenje za međunarodnu saradnju, finansije, statistiku i aktuarstvo	Broj učešća	Broj	15	20	49.600	49.600	.	.	.	49.600	0411270	I-IV
1.1.2.3. Kreiranje i dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Dostavljeni izvještaji i informacije	Broj	6	8	49.600	49.600	.	.	.	49.600	0411270	I-IV
1.1.2.4. Prikupljanje, obrada, objavljivanje i distribucija statističkih izvještaja	Odjeljenje za međunarodnu saradnju, finansije, statistiku i aktuarstvo	Statistički izvještaji	Broj	4	4	49.600	49.600	.	.	.	49.600	0411270	I - IV
1.1.2.5. Razvijanje softvera za prikupljanje i obradu statističkih podataka	Odjeljenje za međunarodnu saradnju, finansije, statistiku i aktuarstvo	Razvijen sistem prikupljanja i obrade statističkih podataka	Broj	0	1	49.600	49.600	.	.	.	49.600	0411270	IV

III - ZBIRNI PREGLED ZAKONA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI			
Opći cilj/principi razvoja: Integrirani rast			
Strateški cilj: Unaprijediti razvoj konkurentnog ekonomskog okruženja			
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.			
Specifični cilj: Povećati usklađenost propisa na tržištu osiguranja u Bosni i Hercegovini			
Naziv zakona	Razlozi za donošenje zakona	Usklađivanje sa pravnim naslijedom EU (DA/NE)	Planirani kvartal za provođenje aktivnosti
1	2	3	4
1.1. Usklađivanje propisa na tržištu osiguranja u Bosni i Hercegovini.			
1.1.1 Harmonizacija propisa i arbitraža			
a) ZAKONI ZA KOJE SE NEĆE PROVODITI PROCJENA UTICAJA			
1.1.1.2. Izrada Prijedloga Zakona o Agenciji za osiguranje u Bosni i Hercegovini	Kako bi se unaprijedila zakonska rješenja postojećeg Zakona o Agenciji za osiguranje u Bosni i Hercegovini planirana je izrada prijedloga novog Zakona o Agenciji za osiguranje u Bosni i Hercegovini. Navedenim prijedlogom Zakona bi se propisale izvršne ovlasti AZOBIH, jasno i precizno definisala uloga AZOBIH u oblasti osiguranja, odnos AZOBIH prema drugim organima uprave i subjektima u oblasti osiguranja, obaveze drugih organa uprave i subjekata u oblasti osiguranja, nadležnosti i ovlaštenja organa AZOBIH. Ovim prijedlogom Zakona bi se izvršilo i usklađivanje sa relevantnim zakonodavstvom Evropske unije na bazi prijedloga datih u okviru Twinning projecta BA 07-IB-FI-01 i usklađivanje sa relevantnim zakonodavstvom Bosne i Hercegovine.	DA	I - II

<p>1.1.1.5. Izrada Prijedloga Zakona o obaveznim osiguranjima u saobraćaju u Federaciji Bosne i Hercegovine i Prijedloga izmjena i dopuna Zakona o obaveznim osiguranjima u saobraćaju u Republici Srpskoj</p>	<p>Na bazi Smjernice za ocjenu usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske i Analize usaglašenosti zakona o obaveznim osiguranjima u saobraćaju Federacije Bosne i Hercegovine i Republike Srpske, sa preporukama za dalja usaglašavanja, usvojenim od strane Upravnog odbora Agencije za osiguranje u Bosni i Hercegovini planirana je izrada Prijedloga Zakona o obaveznim osiguranjima u saobraćaju u Federaciji Bosne i Hercegovine i Prijedloga izmjena i dopuna Zakona o obaveznim osiguranjima u saobraćaju u Republici Srpskoj.</p>	<p>DA</p>	<p>I</p>
<p>1.1.1.6. Izrada Prijedloga izmjena i dopuna Zakona o osiguranju Federaciji Bosne i Hercegovine i Prijedloga Zakona o osiguranju u Republici Srpskoj</p>	<p>Na bazi analize usklađenosti entitetskog zakonodavstva kojim se uređuje osnivanje, poslovanje i nadzor nad društvima za osiguranje i reosiguranje međusobno, kao i sa zakonodavstvom Evropske unije planirana je izrada Prijedloga izmjena i dopuna Zakona o osiguranju u Federaciji Bosne i Hercegovine i Prijedlog Zakona o osiguranju u Republici Srpskoj.</p>	<p>DA</p>	<p>I - II</p>

IV - ZBIRNI PREGLED PLANIRANIH PODZAKONSKIH AKATA PLANIRANIH GODIŠNIM PROGRAMOM RADA AGENCIJE ZA OSIGURANJE U BOSNI I HERCEGOVINI

Opći cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.

Specifični cilj: Povećati usklađenost propisa na tržištu osiguranja u Bosni i Hercegovini

Naziv podzakonskog akta	Razlozi za donošenje podzakonskog akta	Planirani kvartal za provođenje aktivnosti
1	2	3

1.1. Usklađivanje propisa na tržištu osiguranja u Bosni i Hercegovini

1.1.1 Harmonizacija propisa i arbitraža

<p>1.1.1.3. Izrada Prijedloga Pravilnika o postupcima za rješavanje sporova u oblasti osiguranja</p>	<p>Zakon o Agenciji za osiguranje u Bosni i Hercegovini članom 7. propisuje nadležnost AZOBiH za rješavanje sporova koji mogu nastati u oblasti osiguranja u pogledu različitog tumačenja propisa iz oblasti osiguranja ili različite prakse u pogledu davanja ovlaštenja ili nadzora u osiguranju od strane entitetskih agencija za nadzor osiguranja, Brčko distrikta i trećih zemalja. Navedenom odredbom je propisano da će se procedure za rješavanje sporova regulisati podzakonskim aktom iz člana 4. Zakona.</p> <p>U prethodnom periodu, na bazi prijedloga dostavljenog u okviru Twinning projecta BA 07-IB-FI-01, sačinjen je prednacrt ovog akta, pa je planirano da se u toku 2018.godine Prijedlog Pravilnika o rješavanju sporova u oblasti osiguranja, iz člana 7. Zakona o Agenciji za osiguranje u Bosni i Hercegovini, uputi</p>	<p>I</p>
--	---	----------

	Vijeću ministara Bosne i Hercegovine na usvajanje.	
1.1.1.4. Izrada Prijedloga Pravilnika o unutrašnjoj organizaciji AZOBiH	U cilju usklađivanja sa relevantnim zakonodavstvom u Bosni i Hercegovini, preciziranja opisa poslova radnih mjesta u AZOBiH i izvršavanja aktivnosti iz nadležnosti AZOBiH planirana je izrada Prijedloga Pravilnika o unutrašnjoj organizaciji Agencije za osiguranje u Bosni i Hercegovini.	I

V - ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA AZOBiH

U toku 2018. godine AZOBiH nema planirane međunarodne ugovore.

VI - ZBIRNI PREGLED JAVNIH INVESTICIJA PLANIRANIH GODIŠNJIM PROGRAMOM RADA AZOBiH

U toku 2018. godine AZOBiH nema planirane javne investicije.

OPERATIVNE, LOGISTIČKE I ADMINISTRATIVNE AKTIVNOSTI AZOBiH

U skladu sa članom 7. stav (4) tačka f) Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14) u narednoj tabeli dat je pregled osnovnih operativnih, logističkih i administrativnih aktivnosti Agencije za osiguranje u BiH koje je potrebno kontinuirano obavljati u toku 2018. godine.

R.b.	Aktivnost	Nosilac aktivnosti	Vremenski okvir
Proces srednjoročnog i godišnjeg planiranja			
1.	Izrada srednjoročnog plana rada i aktivnosti neophodne za usvajanje i objavljivanje istog	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa Odlukom o postupku srednjoročnog planiranja, praćenja i izvještavanja institucija a najkasnije 30.09.2018. godine
2.	Izrada godišnjeg programa rada AZOBiH i godišnjeg izvještaja o radu	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa Odlukom o godišnjem planiranju rada i načinu praćenja i izvještavanja o radu u institucijama BiH, IV kvartal
Finansijsko-računovodstvene aktivnosti - upravljanje budžetom			
3.	Izrada potrebne dokumentacije za Dokument okvirnog budžeta (DOB) i koordinacija sa MFiT – Instrukcija za budžetske korisnike br. 1	Odjeljenje za međunarodnu saradnju, finansije, statistiku i aktuarstvo	U skladu sa Instrukcijom br.1 MFT BiH, početak II kvartala
4.	Finansijsko izvještavanje i koordinacija sa MFiT	Odjeljenje za međunarodnu saradnju, finansije, statistiku i aktuarstvo	I, II, III i IV kvartal, prema Pravilniku i instrukcijama MFiT

5.	Izrada potrebne dokumentacije za zahtjev za dodjelu sredstava iz budžeta za narednu godinu i koordinacija sa MFiT – Instrukcija za budžetske korisnike br. 2	Odjeljenje za međunarodnu saradnju, finansije, statistiku i aktuarstvo	Prema Instrukciji br. 2 MFiT, III kvartal
6.	Obavljanje materijalno – finansijskih poslova i koordinacija sa MFiT	Odjeljenje za međunarodnu saradnju, finansije, statistiku i aktuarstvo	Kontinuirano
7.	Obračun i isplata plaća i ostalih primanja zaposlenika	Odjeljenje za međunarodnu saradnju, finansije, statistiku i aktuarstvo	Kontinuirano
<i>Finansijsko upravljanje i kontrola</i>			
8.	Izrada i ažuriranje internih akata AZOBIH	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano
9.	Dostavljanje izvještaja o FUK-u	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano
<i>Javne nabavke</i>			
10.	Izrada plana javnih nabavki	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	60 dana od dana usvajanja Budžeta institucija BiH za 2018. godinu
11.	Provođenje postupaka javnih nabavki	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa potrebama i Planom javnih nabavki

12.	Realizacija ugovora i kontrola	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano
<i>Upravljanje ljudskim resursima</i>			
13.	Vodenje i ažuriranje personalne evidencije	Odjeljenje za pravne i administrativno tehničke poslove	Kontinuirano
14.	Upravljanje ljudskim resursima (ocjenjivanje državnih službenika i zaposlenika, obuke i dr.) i koordinacija sa ADS BiH	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano
<i>Upravljanje dokumentacijom</i>			
15.	Prijem, evidencija, signiranje i dostavljanje u rad akata	Odjeljenje za pravne i administrativno tehničke poslove	Kontinuirano
16.	Preuzimanje i otpremanje pošte	Odjeljenje za pravne i administrativno tehničke poslove	Kontinuirano
17.	Arhiviranje predmeta nastalih u radu AZOBiH	Odjeljenje za pravne i administrativno tehničke poslove	Kontinuirano
<i>Institucionalna komunikacija i odnosi sa javnošću</i>			

18.	Održavanje web stranice	Odjeljenje za međunarodnu saradnju, finansije, statistiku i aktuarstvo	Kontinuirano
19.	Dostavljanje informacija po zahtjevima zainteresiranih lica	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano
<i>Rad Upravnog odbora AZOBiH</i>			
20.	Priprema sjednica Upravnog odbora i koordinacija sa članovima Upravnog odbora	Direktor AZOBiH i sekretar Upravnog odbora AZOBiH	Kontinuirano
21.	Izrada zapisnika sa sjednica	Sekretar Upravnog odbora	Kontinuirano
22.	Realizacija zaključaka UO	Direktor AZOBiH	Kontinuirano

VII – IZVJEŠTAJ O PROVEDENIM KONSULTACIJAMA KOD IZRADE PROGRAMA RADA AZOBiH

U skladu sa članom 22. Pravila za konsultacije u izradi pravnih propisa („Službeni glasnik BiH“ broj 5/17) AZOBiH d o s t a v l j a

I Z J A V U

1. da su ispunjene minimalne obaveze u pogledu obavljanja konsultacija;
2. da Prednacrt Programa rada Agencije za osiguranje u Bosni i Hercegovini nema značajnijeg uticaja na javnost (primjenjujući kriterije navedene u članovima od 10 do 15. Pravila za konsultacije u izradi pravnih propisa);
3. Agencija za osiguranje u Bosni i Hercegovini je u skladu sa članom 4. Stav (1) tačka b) i članom 8. Stav (2) tačka b) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“ broj 94/14) i članom 7 Pravila za konsultacije u izradi pravnih propisa („Službeni glasnik BiH“ broj 5/17) obavila javne konsultacije u postupku pripreme Programa rada Agencije za osiguranje u BiH za 2018. godinu. Javne konsultacije su obavljene u periodu od -----, putem web stranice Agencije, www.azobih.gov.ba kao i web aplikacije eKonsultacije.
4. U navedenom periodu Agencija za osiguranje u BiH nije zaprimila prijedloge i/ili primjedbe na tekst prednacrt Programa rada Agencije za osiguranje u BiH za 2018. godinu.

DIREKTORICA

Emina Jahić